



**Aningaasaqarnermut Nunamullu  
Namminermt Naalackersuisoq  
/MAANI**

Ulloq: 27. juni 2013  
J.nr.: 01.31.06/13-00626

**Aningaasaqarnermut Akileraartarnermullu Ataatsimiititaliap pingasunngornermi  
ulloq 26. juni 2013-imi aalajangiineranik Naalackersuisunut ilisimatitsineq (suliaq nr.  
01.31.06/10-00626)**

**Kujataani Ilinniarnertuunngorniarfiup aammalu Niuernermik Ilinniarfik Qa-  
qortumiittup ataatsimut kattutsinniarneqarnerat**

Naalackersuisut **inassuteqaatigaat:**

aningaasaliissutit 40.12.34-imi Ilinniarnertuunngorniarfiit, 19.520.000 kr.-nirik  
annikilliliivigineqassasut, aammalu

aningaasaliissutit inatsisitigut pisussaaffigisat 40.91.31-imi, Suliniutit aallaavigalugit  
tapiissutit, kr. 4.320.000-nik qaffaavigineqassasut.

aningaasaliissutit 40.91.23-imi, Niuernermik Ilinniarfik Qaqortoq 15.200 kr.-nik  
qaffaavigineqassasut.

atuineq konto 40.12.34-imi, Ilinniarnertuunngorniarfiit, Qaqortumi  
Ilinniarnertuunngorniarfimmumut atasut, kontomut 40.91.23-imut Niuernermik Ilinniarfik  
Qaqortoqmut nuunneqassasut kingumut 1. januar 2013-miit atuutilertussasut.

**Aningaasaqarnermut Ataatsimiititaliap oqaaseqaatai**

Kujataani Ilinniarnertuunngorniarfiup aammalu Niuernermik Ilinniarfiup Qaqortumiittup  
ataatsimut kattutsinneqarnissaat pillugu Naalackersuisut qinnuteqarput.

Kattutsinneqarnissaat ataatsimiititaliamit isumaqatigineqarpoq. Inassuteqaat kingulleq  
pisariaqarpiannigitsutut ataatsimiititaliamit isigineqarpoq, kattutsitsinissamulli atatillugu  
naatsorsuuserinermi teknikikkut aningaasaliissutit nuunneqarnissaat ajorinagu.

Atuarfinni pisortaareersut pisortassaannik qulliunerusunik pilersitsinissartik Naalackersuisut  
naatsorsuutigigaat ataatsimiititaliamit maluginiarneqarpoq, tamannalu aningaasaqarnikkut  
naapertuussorinaranilu allaffissornermik kinguneqassangatinneqarpoq. Taamaattumik  
atuarfiit kattutsinneqartut marluk taakku siunissami aqqissugaanissaat eqqarsaatigalugu  
Naalackersuisut pilersaarutaannut nassuiaammik ataatsimiititaliaq qinnuteqarpoq,  
tamatumani aqutsisoqarnikkut aqqissugaaneq immikkut sammeneqassalluni.

**Aningaasaqarnermut Ataatsimiititaliap aalajangiinera**

Siuliani allassimasutut paasinnillutik Naalackersuisut inassuteqaataat Aningaasaqarnermut  
Ataatsimiititaliap akuera.

Apeqummut siuliani allassimasumut Naalakkersuisut akissuteqaataat kalaallisut danskisullu kingusinnerpaamik ulloq 31. juli 2013 tiguneqarnissaa ataatsimiititaliamit naatsorsuutigineqarpoq qinnutigineqarlunilu assilineqarnera qarasaasiakkut uunga nassiunneqassasoq: [julie@inatsisartut.gl](mailto:julie@inatsisartut.gl).

### **Ataatsimiititaliaq sinnerlugu**

Finn Karlsen  
Ataatsimiititaliap siulittaasua